

Dags eftirlits	27.8.2021	Ábyrgðarmaður eftirlits	Gottskálk Friðgeirsson
Fyrirtæki	Benchmark Genetics Iceland hf.	Eftirlitsmaður	Gottskálk Friðgeirsson
Heimili	Bæjarhraun 14	Tegund eftirlits	Reglubundið
Kennitala	620391-1079	Flokkur	Fiskeldi
Fulltrúi fyrirtækis	Ella Kristín Geirsdóttir	ÍSAT nr.	
Fulltrúi fyrirtækis	Andri Rúnar Sigurðsson	Staðsetning	

NIÐURSTAÐA EFTIRLITS

Ekkert frávik frá kröfum í starfsleyfi kom fram í eftirliti.

Rekstraraðila var bent á að senda uppfærðar áætlanir sem skulu liggja fyrir í stöðinni til eftirlitsaðila.

UMFANG EFTIRLITS

Í samræmi við reglugerð nr. 550/2018 um losun frá atvinnurekstri og mengunarvarnareftirlit var farið í eftirlit í Benchmark Genetics Iceland hf. í Kirkjuvogi í Höfnum.

Rekstraraðili er með nýtt starfsleyfi sem gefið var út 6. maí sl. Heimill er 90 tonna hámarkslífmassi á hverjum tíma. Starfsleyfið gildir til 2037. Skipulagsstofnun tók ákvörðun um matsskyldu þann 30. apríl 2020 þar sem ekki var talið að fiskeldið hefði í för með sér umtalsverð umhverfisáhrif. Deiliskipulag er ekki í gildi fyrir stöðina í Kirkjuvogi en starfsemin er á samþykktu athafnasvæði H5 í aðalskipulagi Reykjanesbæjar. Rekstraraðili hefur sótt um nýtingarleyfi vegna vatnsöflunar til Orkustofnunar.

Í Kirkjuvogi er heimilt að ala laxfiska eða hrognkelsi. Nú eru hrognkelsi í stöðinni. Villt hrognkelsi eru veidd, egg frjógvuð og geymd þar til fullvíst er að þau eru laus við allar sýkingar og þá flutt í eldisstöðina í Kirkjuvogi þar sem þau klekjast út. Þau eru síðan alin upp í sleppistærð (25 gr.), bólusett og seld til aflúsunar á laxi í sjókvímum. Um 78 tonn voru framleidd á síðasta ári. Ferlið tekur um 7 – 9 mánuði eftir vaxtarhraða seiðanna. Seiðin eru fóðruð á krabbadyrum og þurrfóðri.

Meðfylgjandi er dagskrá eftirlitsins:

Fundur:

1. Staða á frávikum og ábendingum fyrri ára og núverandi staða metin.
2. Olúmannvirki. Skráning olúgeyma skv. reglugerð nr. 884/2017.
3. Farið yfir kröfur sem gerðar eru til starfseminnar
4. Tíðni eftirlits og kerfisbundið mat á áhættu - áhættumat 2021
5. Önnur mál, atvik, breytingar, óhöpp og kvartanir

Skoðun

Fulltrúar rekstraraðila voru Ella Kristín Geirsdóttir, Auður Eyberg Helgadóttir, Viðar Örn Victorsson, Andri Rúnar Sigurðsson en frá Umhverfisstofnun Gottskálk Friðgeirsson.

1. Fjögur frávik voru skráð árið 2018. Stöðinni var á síðasta ári veitt tímabundin undanþágu umhverfis- og auðlindaráðuneytisins frá kröfu um starfsleyfi og nýtt starfsleyfi tók gildi áður en undanþágan rann út. Því er frávikum um losun í vatn (sjó) án starfsleyfis lokað. Eins má loka frávikum sem snýr að rekstri fiskeldisstöðvar án gilds starfsleyfis. Frávikum sem snúa að því að ekki lágu fyrir skriflegar áætlanir um frágang vegna rekstrarstöðvunar og viðbragðsáætlun er einnig lokað þar sem skriflegar áætlanir hafa verið sendar stofnuninni og verða uppfærðar og ný eintök send stofnuninni til yfirlstrar.

Orðið hefur verið við ábendingum um tiltekt á lóðinni og eins er losun næringarefna nú einnig metin með því að reikna hana út frá fóðurnotkun (formúla Wang).

Því hefur verið orðið við öllum kröfum úr fyrri eftirlitum.

2. Upplýsingar um olúgeyma voru yfirfarnar. Tveir olúgeymar eru í Kirkjuvogi. Húsageymir vegna varaafsstöðvar og dagtankur undir rafstöðinni. Gögnum um olúgeyma verður komið til Heilbrigðiseftirlits Suðurnesja sem er ábyrgt fyrir skráningu olúgeyma á svæði heilbrigðisnefndar Suðurnesjasvæðis.

3. Í nýju starfsleyfi eru kröfur um fjórar skriflegar áætlanir, um mælingar á efnainnihaldi vatns (inntak og útrás) tvisvar á ári, um gagnaskil (skýrslur) s.s. ársyfirlit, umhverfisupplýsingar, niðurstöður mælinga og um vöktun í stöðinni (samantekt skráninga og mælinga). Tilkynna skal m.a. breytingar á tengilið rekstraraðila við Umhverfisstofnun, gangsetningu og stöðvun reksturs, óhöpp sem snúa að mengun umhverfisins og eins ef breytingar verða á nafni fyrirtækisins.

Skoðaðar voru áætlanir sem skulu liggja fyrir, þ.e. áætlun um frágang vegna rekstrarstöðvunar, neyðaráætlun, viðbragðsáætlun, áætlun um meðhöndlun úrgangs. Fyrir liggur að uppfæra þær og var rekstraraðila bent á að senda

afrit til eftirlitsaðila til yfirlestrar og samþykktar.

Ársyfirlit var skoðað og niðurstöður mælinga og útreikningar síðasta árs. Farið var yfir aðferðir við skráningar og hvernig unnið er upp úr gögnunum og þau notuð til þess að bæta reksturinn.

Stöðin er undanskilin kröfum um að færa grænt bókhald og útstreymisbókhald vegna lítils umfangs.

Rekstraraðili er með ábyrgðartryggingu vegna bráðamengunar upp á 1 000 000 SDR.

Rekstraraðili er ekki með vottað umhverfisstjórnunarkerfi en hefur sett sér umhverfismarkmið og tekið önnur skref í átt að umhverfisstjórnunarkerfi með ítarlegri skráningu á þjálfun starfsmanna, skráningum og fyrirbyggjandi viðhaldi.

4. Nýleg reglugerð um losun frá atvinnurekstri og mengunarvarnareftirlit nr. 550/2018 kveður á um að Umhverfisstofnun skuli gera áhættumat á fyrirtækjum sem farið er í eftirlit til, og nota áhættumatið til þess að ákveða tíðni eftirlita.

Í áhættumati síðasta árs fékk stöðin í Kirkjubogi einkunnina C. Í eftirlitinu var farið yfir áhættumatið með rekstraraðila en nýtt áhættumat verður gert á haustmánuðum og notað við gerð nýrrar eftirlitsáætluna Umhverfisstofnunar

5. Engin óhöpp eða mengunarslys hafa orðið á árinu og engar kvartanir borist vegna starfseminnar. Fyrirhugað stækkun á húsnæði stöðvarinnar hefur verið aflögð en enn eru uppi hugmyndir um að prófa eldi klakfisks (hrognkelsi) í Seljavogi. Framkvæmdin hefur þó frestast.

Rætt var um úrgangsmál en söfnunargámar eru við stöðina í Seljavogi og fyrirhugað er að setja upp gámaport með girðingu og hliði til þess að auka og bæta flokkun í stöðinni.

Farið var í skoðunarferð um lóðina og aðstaðan skoðuð. Ekki var tilefni til athugasemda.

Fiskagildrur í frárennslum stöðvarinnar voru skoðaðar.


ÁBENDINGAR

Rekstraraðila var bent á að senda uppfærðar áætlanir sem skulu liggja fyrir í stöðinni til eftirlitsaðila.

1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.

2 Ábending: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

Reykjavík, 04.10.2021



Gottskálk Friðgeirsson